

四庫全書

集部

欽定四庫全書

集部
御定千叟宴詩卷一

二

侍郎臣劉躍雲覆勘

武英殿纂修原任編修臣吳裕德

欽定四庫全書

御定千叟宴詩

提要

臣等謹案千叟宴詩四卷康熙六十一年奉

勅編欽准

聖祖仁皇帝昌運膺圖

冲齡踐祚削平三孽砥屬四瀛

聖德懋其緝熙

神功昭乎啟佑用能欽崇永保無逸延年

壽考康強符薄海無疆之祝而

淳仁厚澤涵育龐洪嘒嘒春祺桐生茂豫所謂

皇建其有極欽五福用敷錫厥庶民者驗以箕疇允

符古義是以平格之瑞翊運者咸登淳固之

氣飲和者靡算貽背黃髮駢聯相屬既

俯允臣民之請肇舉

萬壽盛典驩心普洽陬筮嵩呼業已恭勒鴻編昭垂

奕禩復

詔舉高年宏開嘉讌申

延洪之慶表仁壽之徵酒醴笙簧賡歌颺拜彬彬焉

郁郁焉自攝提合雒以來未有如斯之盛也

爰

命哀集詩篇通為一集首以

聖製與伊耆神人交暢曠代齊光繼以羣臣和章與周

京天保諸什雅音接響其餘諸作亦與豳風

稱觥之文堯民擊壤之詠後先一軌焉伏而
讀之如華鯨奏威鳳儀鏗鏘震耀八音會而五
色彰也

化國之日舒以長

盛世之音安以樂具見於斯允宜襲琅函而貯
石渠矣乾隆五十四年四月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

製千叟宴詩

百里山川積素妍
古稀白髮會瓊筵
還須尚齒勿尊爵
且向長耆拜瑞年
莫訝君臣同健壯
願將億兆共昌延
萬機惟我無休息
日暮七旬未歇肩

御製千叟宴詩

文淵閣大學士兼禮部尚書臣王揆恭和

雲際觚稜霽後妍連朝

禁殿啟長筵春王厯轉初周紀

聖主恩隆首引年玉座備聆

天語切金甌常共頌聲延勉將蒲柳酬

高厚湛露光榮少比肩

武英殿大學士兼工部尚書臣王頊齡恭和

紫禁元正霽色妍盈廷黃髮奉芳筵親承

寶訓同堯典壽獻瑤階祝

舜年乾運璿璣天永健民遊化日景長延

帝歌喜起傳堂陞賡和難成聳瘦肩

官階設讌寶光妍

省身盛典總裁原任戶部尚書臣王鴻緒恭和

謨訓洋洋下慶筵

早歲絳基膺景命上元周甲遞增年

皇心祇覺常虛受天祿於今更廣延載拜

奎車欽壽愷嵩呼黃髮競垂肩

禮部尚書教習庶吉士臣陳元龍恭和

觚稜積雪曉光妍重老推恩啟

御筵五色祥雲開壽域千羣華髮會高年共霑

聖澤歡無極既醉仙厨慶永延遙識萬方歌大有扶鳩
鼓腹競摩肩

吏部侍郎兼翰林院學士臣張廷玉恭和

卿雲紉縵雪光妍千叟承

恩集廣筵尚齒禮真超往古飲和人盡享長年

天心同樂奎文燦民氣騰歡福澤延史職微臣逢盛事

簪毫

丹陛幸隨肩

內閣學士兼禮部侍郎臣蔣廷錫恭和

晴光雪色發春妍

金陛弘開尚齒筵
萸葉初舒軒帝日
鳳膏均

賜木公年千人喜氣千秋會萬國歡心

萬福延臣是玉霄香案吏紅雲班裏仰

湯肩

內閣學士兼禮部侍郎臣勵廷儀恭和

蓬萊曉殿正宣妍千叟承

恩讌綺筵滿袖龍香擎舜酒充延鶴髮祝

堯年矐矐日下春常麗長養風中福自延敷錫兆民登

壽世

九重宵旰一身肩

內閣學士兼禮部侍郎臣魏廷珍恭和

鷺序續紛鶴遜年蓬萊深處啟瓊筵生逢

壽主都增算身列仙班幸有年

恩勝虞庠分上下典逾周禮並登延盈廷盡是洪崖
侶拜舞螭頭笑拍肩

翰林院侍讀學士臣陳邦彥恭和

壽世昌期景倍妍

殊恩祕殿啟長筵

一人慶洽同羣庶千老壽添紀萬年

大雅篇章開渾灝太和宇宙自綿延賡颺不數虞廷盛

橐筆螭均喜接肩

左庶子兼翰林院侍讀臣王圖炳恭和

觚稜瑞雪映春妍倬直欣逢千叟筵獻歲臣親開

八秩

臣父臣頊

齡今年八十有

盛典尤荷殊榮

恒沙

帝壽比多年彭羹斟後三陽泰

堯日中時萬福延德不能名無間處極天勲業

一人肩

在齋善無翰林院檢討臣汪應銓恭和

天題三白倍相妍併與春光照玉筵啓秩周環黃帝歷

支筇大半絳人年將星卿月歸羣老

壽佛真仙賜款延侍立預觀同慶忭

日宮軒下得差肩

翰林院檢討臣張照恭和

索中金管瑞光妍獲紀

乾清千叟筵黃幄

天臨同得壽綠牌人捧不疑年上公讓席如鄉黨
皇
子持杯與祝延百歲寂叨

宸眷渥首蒙饋醕莫齊肩

翰林院編修臣薄海恭和

玉案仙葩暖翠妍耆英承

詔集瓊筵壬寅紀歷初春候甲子周環又一年瑞雪降

時禾稔熟

殊恩錫處壽綿延如雲如日瞻

天表白髮龐翁喜接肩

欽定四庫全書

御定千叟宴詩卷一

計詩七十首

大學士臣馬齊

元日祥徵慰

聖衷推恩耆老宴璇宮鹽梅和鼎臣何力飽飫

天厨仗化工

大學士臣松柱

十載槐階眷老臣分甘金鼎錫奇珍當陽

聖主天行健長奉

宸歡億萬春

大學士臣蕭永藻

濟川作楫濫朝榮河渚星遊瑞靄明白是

聖人千萬壽筵前嵩岳遠傳聲

大學士臣王掞

聖朝優老遍臣鄰

詔列瓊筵荷寵新久忝綸扉逾十載欣逢

寶曆萬年春

大學士臣王頊齡

錫宴彤廷鶴髮聯齒逾八袞廁

瓊筵黃扉忝竊和美任願介瑤觴祝

萬年

吏部尚書臣張鵬翮

聖德齊天

寶曆昌法宮燕老荷

恩光微臣職愧銓衡長啓事頻霑

御案香

戶部尚書臣田從典

舊粟陳陳簸以箕又逢瑞雪慶嘉師

聖人久道羣生樂運轉鴻鈞億萬期

原任戶部尚書臣王鴻緒

憶從

講幄賦昇平游被

洪恩忝地卿金殿重逢耆叟宴

帝堯雲日倍光明

禮部尚書臣賴都

雪晴雲散肇初陽
耄耄千人宴未央
從此春官增盛典
萬年萬叟歲稱觴

禮部尚書臣陳元龍

聖朝崇老會耆英

紫殿紅霞白髮明
瘴嶺歸來身尚健
忝司禮樂荷殊

榮

兵部尚書臣孫柱

兵氣潛消日月新
八荒同仰

廟謨神兩階
干羽從今格海宴
河清頌

聖人

刑部尚書臣張廷樞

少從東觀沐

恩波白首西曹

寵更多十日三回霑異味報酬夙夜愧如何

工部尚書臣徐元夢

官名徒爾列鴈鳩煥壁班聯最上頭新

錫天章榮暮齒當年

講幄眷難酬

工部尚書臣李先復

卿曹歷載忝崇班晴雪春風玉饌頌一代

殊榮承北闕萬年

盛德紀南山

吏部右侍郎臣傅紳

銓曹品藻貴衡平久列朝班忝貳卿

錫宴幸陪耆碩後

殿廷高處五雲生

吏部左侍郎臣李旭升

佐銓十載荷

恩多又附耆英飲太和為慶普天登壽域蓼蕭歌並九

如歌

戶部左侍郎臣赫成額

度支官領小司徒廣宴和風拂白鬚快覩阜財還
解愠甲週玉歷邁唐虞

戶部左侍郎臣李永紹

六府惟脩百穀昌歲朝曠典舉霞觴

九天錫宴飛

龍藻千叟聯吟繼柏梁

戶部右侍郎臣張伯行

寸心自矢托愚衷感遇承

恩賴

聖聰此日瓊筵忻拜舞捧觴獻壽五雲中

禮部左侍郎臣王思軾

天行不息萬年春職佐春官愧老臣瑞雪瑤階排玉宴

白頭千叟醉

楓宸

禮部右侍郎臣景日昃

曉陪宗伯

殿廷趨

恩宴欣霑拜

聖謨臣是嵩高峯下士年年

萬歲聽山呼

兵部右侍郎臣王度昭

四海同瞻

欽定四庫全書

御定千叟宴詩

日月光

王師到處掃欃槍
太平司馬欣無事
白髮從容侍廟廊

刑部右侍郎臣周道新

好生

主德合天心
更眷耆年

恩倍深
明允勉脩臣職
忝願持

堯酒灑春霖

工部侍郎臣常壽

陪貳冬卿矢靖共每依春殿沐恩濃開筵宴老慚
黃髮環珮分班侍

九重

工部左侍郎臣郝林

冬官佐理近三台將作慙非梁棟材叨列鴛班霑
御宴承恩願奉

萬年杯

內閣學士臣登德

身近蓬萊五色雲

聖朝讌老遍鴛羣瓊漿入口神逾旺檢點封章敢憚勤

都察院左副都御史臣伊忒海

豸衣常愧受恩殊白首欣逢

賜大酺飽飫

天家仙饌美歸來鳩杖不須扶

都察院左副都御史臣江球

聖朝尚齒沛

殊恩鶴髮成行捧上尊昨夜雪飛齊賀瑞栢臺長共戴

春温

宗人府丞臣吳梁

玉葉金枝並茂時追隨

恩賜到彤墀

聖情悅豫當春晝灑筆先成燕老詩

通政使臣陸經遠

幾年喉舌忝鴛行民隱時通霄漢傍

金史卷之三十一
卷一
錫福自天遊浩蕩稱觴獻壽頌無疆

順天府尹臣俞化鵬

春殿排筵晝漏長老成踰濟沐

恩光微臣奉職慙張趙

異數羣稱軼漢唐

通政司左通政臣潘錦

章奏敷陳入告頻

天顏咫尺轉逡巡青陽律應璇璣運

聖壽常過億萬春

通政司右通政臣魏方泰

深嚴祕殿許扶筇玉饌芬芳出

九重老馬自慙無智力行經絕塞盡堯封

通政司右通政臣陳允恭

龍飛玉歷首壬寅環甲重開浩蕩春

聖主賜醑專尚齒永躋仁壽戴鴻鈞

大理寺少卿臣任奕鑾

矜恤頻年荷

聖裁已看壽域八紘開
小臣絕少爰書擾春讌
歡隨耆耄來

大理寺少卿臣郭徽祚

金殿開筵集老臣
旋依

黼座沐

恩綸忝陪百職齊
聲祝億萬斯年拱

御宸

詹事府少詹事臣梅之珩

甲榦週迴

寶厯新筵開瑞雪點芳辰
微臣珥筆千官後歲歲從今

紀大椿

侍講臣錢名世

禁近榮霑尚齒筵耆英列坐許差肩
重登暖閣承

天訓記直

乾清二十年

中允臣汪士鋐

香案前頭舊侍臣萬年

寶歷遇長春仙厨錫宴

恩波濶歲歲歡呼祝

聖人

順天府丞臣錢以埏

鴻翊分符贊

帝功敬敷文教播祥風得隨黃髮承恩宴

聖壽如天日正中

太常寺少卿臣陳良弼

耆年縻祿愧卿才盛世欣逢

御宴開仰見

九重龍德健躋民仁壽樂春臺

光祿寺少卿臣張聖佐

御厨珍膳叶調和

聖澤如膏不啻過翠釜金盤叨饜飫

萬年天祿祝三多

鴻臚寺少卿臣胡煦

中祕旋歸卿貳班

天恩迥出五雲間復霑湛露零豐草授几深宮拜

賜還

原任侍讀學士臣薄有德

生逢

壽世荷陶甄合會耆英及小臣此際欣瞻

雲日表九霄親拜

帝絲綸

編修臣陳夢雷

承

思五十有三年曠典虞庠近

御筵萬卷書成傳盛世嵩呼

聖壽永同天

編修臣沈宗敬

千叟歡騰愜

聖心御筵春酒得頻斟微臣兩世蒙嘉宴四十年來闔

澤深

編修臣何焯

茲榜邀榮

寵錫稀編摩祕殿奉

恩輝厠名千叟尤深幸接跡期頤侍

紫微

檢討臣李鍾我

瑞雪晴頒

鳳詔新紫宮春宴逮微臣九霄此日間

天語真是蓬萊島上人

編修臣王時憲

詞臣侍從愧鄒枚

詔許蒲輪上玉臺祝

聖壽同天地永寵光頻自日邊來

編修臣呂謙恒

蒼髯白髮拜

楓宸六膳三漿

賜賚頻簪筆微臣蒙異數

天顏咫尺被溫綸

檢討臣陸紹琦

鳳曆重周花甲新高年

賜宴及儒臣王正盛典從今紀歲歲弘開壽域春

編修臣王時鴻

聖德神功被萬方
太平讌老拜龍光
微臣展歷初周甲
賜坐榮邀香案傍

編修臣吳襄

六旬今列千官宴
兩榜原登

萬壽科才薄何緣
恩獨厚

九重雨露一身多

編修臣蔡嵩

昔荷

殊恩登茲榜今逢曠典錫華筵十年養同高厚載筆

重將甲子編

編修臣李克敬

法酒名有宴老臣坐聆

天語更溫醇文章報

國儒生分願咏南山祝萬巡

編修臣黃鴻中

千叟筵開謁

紫軒坐聆

綸綍藹春溫從今歲歲瞻

龍德簪筆西清紀

聖恩

庶吉士臣李同聲

廿載鸞臺

渥眷頻六年藜閣拜

溫綸承恩累葉難圖報長願披香侍

聖人

庶吉士臣吳馮棡

微臣釋褐甫登瀛旋侍瀛仙宴太清

聖瑞早於天象見老人星拱泰階平

庶吉士臣黃秀

萬年天子福齊天燕及臣工重引年喜覩八方開壽域

瀛洲杖履也如仙

庶吉士臣闕上進

萬年花甲歷重綸

勅賜宮前宴早春華省六旬登第晚

殊恩還及照藜人

給事中臣陳沂震

掖垣陪列七經春荏苒年華過六旬獻歲

御筵叨

盛典呼嵩祝嘏上

丹宸

給事中臣秦道然

既忝詞臣又諫臣昇平無事奏

楓宸生年尚在

龍飛後已並耆年祝

聖人

御史臣張建策

西清東序法筵高寶氣歌輝在尺綃四海昇平

天壽永大書鴻業共尊

堯

御史臣施雲翔

十年柱下沐

君恩重喜今朝與

賜樽

玉歷已增新歲月春花長耀錦乾坤

御史臣王培宗

瓊筵玉醴啟初春拜

賜殊慙獻納身屈指吾

皇當御極眼中已見兩壬寅

御史 臣 戴 芝

日麗風恬景物妍

恩加耆舊宴高年小臣幸厠臺班末親拜

龍顏尺五天

御史 臣 柴 謙

祕書丞

詔許分編鐵柱為冠侍

殿前風憲清華俱忝竊飽仁惟頌萬斯年

御史臣邵璿

昇平簪筆丞

恩重春暖

乾清賜宴來瑞靄祥光環

帝座始知宮禁是蓬萊

御史 臣陳學孔

龍飛六十一年春

玉殿筵開賜老臣飽德醉心

溫語切繡衣林舞拜

恩新

御史 臣陳令璜

微臣夙忝風霜暑

聖主還施雨露恩

詔與耆年同鎬宴許教與馬近宮門

御定十叟宴詩卷一

欽定四庫全書

御定千叟宴詩卷二

計詩三百二十首

人瑞自居擊壤羣世間仁壽賴吾

君好生大德合天地願得三多邁放勳

其一

去年藏裏凱歌回

賜宴今朝賞宴陪萬里辛勤瞬息過歡聲載道似春雷

其二

風土人情各自殊微臣遊遍世間途願將省下期

頤歲捧進

彤墀添壽圖

其三

三庚尺雪莫驚奇
葱嶺陽關共所知
寒瘴烟沙愁

日晚而今盡解慶
雍熙

其四

當年執戟定滇黔
回首凱旋雨露霑
鶴髮九旬

天眷顧算籌隨歲
喜頻添

其五

身經戰陣錄微勞
老沐

殊恩氣尚豪
宴罷精神添
一陪貂裘文彩耀
弓刀

其六

祖父攀鱗舊策功子孫世世沐

恩同黃金永寶傳家甲白髮猶鬢射柳弓

其七

七十餘年別禁軍不知髭鬢雪紛紛
法宮頒醴同仙液上庫分金荷

聖君

其八

壯歲隨班列虎賁栢臺粉署職曾分久霑雨露

恩無盡又上

宮庭覲五雲

其九

九重

勅旨宴千官鳳閣詞臣列上班愷樂鎬京春酒美賡歌

拜手慶南山

其十

萬年天子壽無疆春滿蓬萊

御宴張八十六齡逢盛典喜隨元老慶陶唐

其十一

宿衛班中憶壯年從今朔漠靖烽烟

堯樽幸醉身輕健

恩賚貂冠耀雪顛

其十二

心丹不覺力頽唐弓勁能開箭用長更得紫霞霑

一醉蹕騰筋骨愈加強

共十

預掌

絲綸直

禁中日宣

天語下高穹萬年寶歷昇平候許從耆英燕衍同

共十

引年授几列前班記得提戈奏凱還

聖武弘昭包六合

殿廷今日是蓬山

其十五

聖朝奉養八旬餘尚齒還來飽

御糈自愧武臣稀識字紀

恩新學萬年書

其十六

瑞雪三元歲必豐

聖心樂與萬方同微臣忝列祠官後忭舞歡呼

御宴中

其十七

朔塞南荆昔荷戈九旬鬚鬢盡皤皤

天厨更賜長生粒
春色還添壯色多

其十

曾叅柏府侍

彤庭霜鬢重沾玉
饌罄千叟齊申岡
阜頌南天應燦

老人星

其十一

橐鞬欣傍五雲深
汗馬微勞列上林
幸到九華春

殿宴滿筵喜色見

天心

其十二

熙皞休祥遍八坤
水村山郭盡仙源
願臨萬里長

江卷寫出汪洋萬里恩

其二
十一

天馬流沙萬里來雲屯寶騎殷春雷

君王神武超千古驚蹇慚非廐駿才

其二
十二

羽林日日佩容刀皓首官班著錦袍誰意更逢春

燕喜追陪仙侶得仙桃

其二
十三

西賈南琛自遠荒圖成

王會集梯航愧無闔令丹青妙偏飫虞庠酒饌香

其二
十四

肆筵設席自

皇居壁水膠庠總不如還願服章慙振鷺恭承

恩禮賦嘉魚

其二
十五

壽域宏開荷化成老年司鑰右安城欣聞

天語同春煦榆景偏霑分外榮

其二
十六

麗日祥雲擁泰階稱觴喜與衆仙偕曾隨昭莫多

鏖戰記賞頭功第一牌

其二
十七

八閩戰蹟得微功白首親霑

御饌豐甲子循環天不老吾

皇行健與天同

其二
十八

乾清宮殿煥

皇居芝席天樽列玉除宛似仙山樓觀曉紅珊瑚映碧

芙蕖

其二
十九

久從

丹陛序鵷鴻宴鎬欣傳到

法宮兩列仙官皆壽耆

萬年天子坐當中

其三
十

聖德巍巍

聖壽長筭疇錫福備禎祥外藩齊效三多祝列職榮分

千叟觴

其三十一

開年乍展青陽歷紀日初舒軒帝奠春仗分班仙
掖啟乞閒身亦到

天廷

其三十二

鐵衣記得賦從征禮飲欣逢

盛典行萬帳貔貅

恩久渥復教鮑背荷殊榮

其三十

尚方珍膳粲珠盤燭夜杯分柱下官

溫旨頻宣容醉飽玉階千叟戴

恩寬

其三十四

岐黃小技草茅人忝附朝官侍

紫宸八十老醫重仰

聖願携菊醴獻長春

其三十五

袞龍咫尺笑言親千叟新筵異九賓不用贊儀惟祝噎

鴈排鶴髮飫天珍

其三
十六

持籌曾忝上卿班
喜荷瓊筵敞

帝闕千叟玉階同
舞蹈極天

聖壽指南山

其三
十七

擁節西秦與益梁
歸朝官秩領金倉
至今棘屢邏

逆曲常比中和樂
職章

其三
十八

馳騎彎弓夙所諳
年來短髮白鬢鬢

軒宮恩許陪春宴
龍角星光照面南

其三
十九

醴酒瓊饌出

御庖泰符長筮地天交徵臣奉討過銅柱

恩露於今滿白茅

其四
十一

奔走承

恩數十年今朝歡宴

玉墀前挽強命中渾忘老踴躍猶思七札穿

其四
十一

琵琶灘畔奪餘艘憑仗

天威力亦強中歲已蒙歸化宴殘牙今啖大官羊

其四
十二

藝植身藏老圃家遊仙忽訝捧流霞從今得與瑤

池讌願向蓬山職掃花

其四
十三

吳楚滇黔身歷餘歸來領衛直周廬欣承禹膳頒

三爵長戴

堯天頌九如

其四
十四

鳳樓縹緲瞰蓬萊羽衛爭趨捧壽杯賈勇敢誇經十

戰承

恩却許近三台

其四
十五

浩蕩恩波自九天建章春宴集耆年舊舍雞舌趨
丹陛何似瓊羞飫

御筵

其四
十六

玉殿紅霞簇畫屏乘田亦許到蓬瀛年年巨勝花盈

野三百維羣頌太平

其四
十七

牛人分職自周官畜牧微勞愧素餐何幸暮年叨

異數近依仙仗上金鑿

其四
十八

玉肪寶餌緩童年六技醫師試十全欲識太和翔

洽處但看孩孺樂

堯天

其四
十九

盤龍山下記鏖兵
文德年來萬國平

錫宴瑤階歌既醉
天漿分到老司城

其五
十

村堡曾經備蟻負
乞

恩歸養已華顛
今踰八十身還健
班末趨登上九天

其五

一十

雞唱天街曙色分
鑪香春靄互氤氳

皇慈遍錫瑤臺宴視草身閒倚五雲

其五
十二

幕府曾書百戰勲江南身將八營軍老年得預者

英會騎勇家懸

雲漢文

其五
十三

法醞宮壺領大官坐深不覺早春寒絲綸閣下承

恩久時把葵心向日看

其五
十四

長陽從獵耀金貂角勝爭先志未消幸值太平饒

樂事老人隊裏頌

神堯

其五
十五

金虢玉鱠沐恩波海宇昇平瑞應多指日西陲咸

奏凱不須揚盾更揮戈

其五
十六

陸戰周廬拱太微親承燕語覲

垂衣大官捧出麒麟脯黃髮皤皤拜

賜歸

其五
十七

恩濃湛露醉臣心宣勸猶聞降

玉音雪嶺靈闕韜甲後幸隨父老學謳吟

其五
十八

賞牌曾預蕩平功
華髮身依

紫禁中八十餘齡皆

帝錫還期

聖壽與天同

其五
十九

衰翁也得宴

金鑿取次花風到
上蘭誰信宮中一萬樹
今朝竟許

舉頭看

其六
十

魚鑰開時曉色新

詔隨耆舊宴初春風和玉闕

天顏霽親見

龍床笑語頻

共六十一

金華春殿集瑤珂翠釜分

恩出紫駝一自島夷重譯後至今東海不揚波

共六十二

白雪盈頭霜滿顏拄筇親見

御筵開蟠桃捧向家中看知是神仙會裏來

共六十三

流霞滿酌勝還丹天地為心老者安願祝

壽同天地永萬年

天子萬年歡

其六十四

宴賞恩膏浹小臣昇平樂事太平人世膺榮秩心

依戀長慶

堯年萬萬春

其六十五

世祿長霜

帝澤綿又叨春宴會羣仙玉書金匱青藜閣紀錄貞符

祝大年

其六十六

誰言七十古來稀老叟盈千繞

御扉

賜宴不嫌官職小蒼顏皓首有光輝

其六十七

欲乞花封製錦新何圖魚藻寵微臣期下邑多

耆老也似天邊壽域均

其六十八

太和禽鳥各呈奇瑞譜圖形尚有遺今日

玉階歡宴處碧梧應見鳳來儀

其六十九

曾從

瑀輿出五原虎符歸掌侍金門春風平樂叅高宴養
益頽齡悉

主恩

其七
十

恩教老健杖休攜尚齒筵開

玉陛躋拜手未忘東魯地瞻

天直與泰山齊

其七
十一

太和臣庶盡歡娛耆壽承

恩更賜醕序齒分班歌既醉

天家異數古來無

其七
十二

玉燭調和

御宴開歡騰千叟進霞杯
龍驤隊裏龐耆老醉向金階

拜舞回

其七
十三

錦江城外記衝鋒
奏凱回來慶賞隆
今日

玉階露玉液醜顏自喜尚如童

其七
十四

榆北瀘南屢戰身
欣逢嘉會日華春
千廬列衛歡

聲遍共道堯天多壽人

其七
十五

歡聲動地若春雷

溫旨傳宣賜宴來

盛世韜弓崇禮樂得同千老上春臺

其七
十六

冰絃一曲奏薰風萬象都歸化日中手挹

堯樽欣馬齒身司

舜樂佐夔功

其七
十七

破敵先登梅嶺顛幸陪嘉宴坐瓊筵願將冰萼無

窮朵拜祝

君王億萬年

其七
十八

豹尾前頭萬象新
雪晴雲散映勾陳
引年開宴

天恩渥臣是當年
踏浪人

其七
十九

上池飲後醉瓊漿
鴻術堯時愧未良
不藉稽生寒

石散世無天折齒
繁昌

其八
十

職分禁旅習龍韜
頭白清街敢憚勞
欣共仙班同

獻壽跪擎玉斝醉
蒲萄

其八
十一

塞北湘南記戰勳
羽林具職拱

丹宸今朝燕衍承膏澤擬作堯衢擊壤人

共八十二

四海梯航清宴時綠沉槍卧少驅馳擘麟筵上承

恩出鳩杖歡呼滿路岐

共八十三

方伴鴻章測景回星郎恍惚夢蓬萊醴泉滿地知

多少總與

君王作壽杯

共八十四

瓊樓金闕

紫宸闕得到除非侍從班詎意簿書塵下吏今朝飲宴

五雲間

其八十五

敷天白髮太平民拜手軒墀集虎臣置尉不須名

戊巳

賜筵今始紀壬寅

其八十六

獻歲韶光一色新雪殘鳩鵲淨無塵金鋪日暖逢

開宴好捧霞觴拜

紫宸

其八十七

優老

君恩恤荷戈弓刀小隊和衢歌欣看

玉殿傳觴處占得嵩呼數最多

其八十八

勾陳衛士沐殊榮玉筋金盤荷

聖情共祝軒轅龍鳳紀不資仙藥自長春

其八十九

塞旗曾記贛江西十八灘聲振鼓鞞蘭席觥船光

濫激波紋如簇七重犀

其九十

碧雞山下舊從軍十二星匡列衛分

賜坐玉階開宴處曜儀光景綠氤氳

其九十一

出師中路從

君王今日雍容入建章百爾臣工相齒讓堯階
棠蔭慶

方長

其九
十二

六英飛瑞兆豐年

玉旨親頒養老筵陰定山前曾克敵雪花猶記舞翩躚

其九

十三

清時人瑞總駢肩休養

恩深列校偏一自丹霄登秩宴何須絳縣更疑年

其九
十四

時際清寧七校閒九衢夜戶不須關白頭長捧金
莖露雲日當天仰

聖顏

其九
十五

當時結束事素韃錦服今朝預列仙宴罷歸來馳
道過歡聲齊徹九閤前

其九
十六

黃道星輝護

紫微瑞霞晴麗敞彤闈鐵衣幾度邊山路載頌岡陵

式九圍

其九
十七

金墀鵠立尚遷延
列校何當捧

御筵不是尋常拜恩澤

萬年天子宴高年

其九
十八

期門列校靄雲屯
廩祿虛糜豢養恩
更向新年逢

盛事瑤臺親得捧

堯樽

其九
十九

衛士班中愧末行
白頭常憶玉階旁
螭連席

君恩大不羨休居
陞楯郎

其一
百

玉帛車書萬國同瓊筵開處日曛曛小臣忝職司

方澤土脈先占九穀豐

其一
百一

老去仍司石室文紅籤綠篋護香芸承

恩錫宴金華殿三素光飛玉葉雲

其一
百二

六工亦得荷

天宣鳧氏還應忤躍先

聖世太和為大冶鑄成壽世慶春筵

其一
百三

末技隨班拜玉鍾百花從此露華濃金瓶喜見雙

岐穀知是

皇心只重農

其一
百四

盈廷快覩元朝雪

賜宴欣隨百歲翁
麟鳳虛言是祥瑞
真祥人壽與年豐

其一
百五

聖朝養老禮殊常
次第

頒恩逮議郎
穆穆靈祇胥妥侑
還陳神貺九霞觴

其一

百
六

頻年歡祝遍南邦

聖澤同春滿大江

恩及老臣今更渥龍光猶照兩看龐

其一
百七

伐叛隨征到豫章頭創幸遇百金方

皇恩錫福開瓊宴九醞先分殿陛郎

其一
百八

延賞

隆恩著世功從師粵嶠又閩中至今寰海波濤靜蚤雨

蠻烟化舜風

其一
百九

世職家傳列虎賁
鈞天開宴幸承

恩禎符盛事
喧謳頌南極
光中拜

至尊

其一
百十

何幸

天顏得仰看
一時千叟喜
彈冠

九重華髮因
民白萬國忠
心為

主丹

其一
十一

粉署叨承雨露
頻更隨駕序
飫芳珍
試看雪鬢蒼

髯叟都是

堯天長養人

共一百
十二

聖朝珍異貢梯航恭儉還聞外府箴何幸

日邊司庫吏得隨鴛鴦酌瓊漿

共一百
十三

上尊疊

賜色香凝忝列戎旃拜手承咫尺彤階人共仰

帝星鴻朗並升恒

共一百
十四

錦川波靜點蒼青往歲從軍討不庭玉室

賜酺瞻拜處湛恩汪濊比南溟

其一百十五

法酒從容樂太平武夫亦許宴承明九枝燈下千

人坐應有山呼萬歲聲

其一百十六

峒峽駕湖奏凱歌年來顛髮雪霜多玉京宴罷言

歸後細與家人說大羅

其一百十七

木淪河畔舊從軍良馬曾蒙上監分白髮更登朱

毯未三漿春散澤棼煨

其一百十八

瑤階綺席宴高齡祥靄綸纈護樹屏曾向昆明瞻

斗極天邊長朗老人星

其一百十九

天厨仙醞勝流霞鶴髮蒙恩禮有加曾得

君王裏蹠賜半生衣食荷全家

其一百二十

花蓋雲騰現五芝金壘散列散珍奇西征曾過邠

岐路記得公堂獻壽詞

其一百二十一

皇威遠訖靜塵埃春讌叨榮醉綠醕筋力未衰趨走便

瞻雲就日上瑤臺

其一百二十二

賡颺自昔美虞廷未若稱觥合萬齡曾共虎巖歌

凱曲今隨卿相飲芬馨

其一百二十三

向隨充國渡湟中今附期門宴賞同總是

聖皇弘錫福長教蒲柳沐春風

其一百二十四

羽林慙應列星文三爵叨陪振鷺羣聞說賀蘭山

下路山光斑駁擁祥雲

其一百二十五

瑤尊滿泛尊陽和慙愧頻年列荷戈超距翹關寧

謂勇

君恩重比泰山多

其一百二十六

晨鉦宵柝護

皇居

錫宴新逢淑景舒於萬斯年今日始熙然民物在華胥

其一百

二十七

早向齋宮事祝釐軒轅卜厯應

昌期登歌升樂三終後鸞鶴迴翔耀羽儀

其一百
二十八

邊部荒陬被

澤遐徼臣輸粟到龍沙洋洋甘露川頭水若比

恩波尚有涯

其一百二十九

黃牛峽下過千帆紫燕山前積翠嵌兩地手弓蒙

賞獲暮年叨濫領軍銜

其一百三十

曾瞻

黃鉞自臨邊雷電威清萬里烟今日

龍顏真藹藹秋霜春露太和全

其一百三十一

錦衣皓首喜駢肩矍鑠隨班到

御前漏轉宮壺春正永扶鳩長願侍瓊筵

其一百三十二

久從月殿斬天銀瑩澈光明世界身

佛智故應成

佛壽琉璃柯地萬年春

其一百
三十三

軍前閩海屬橐鞬濫得勲封到子孫馘者

宮廷還忝與水深山峻是

君恩

其一百
三十四

玉螭墀下宴千官老覺松醪易上顏記得昆明從撻

伐

賜弓擎出萬人看

共一百
三十五

玉府曾為堯庫臣
瑤階趨走重蹲循
豈知坐對

義皇主

龍子恭講送八珍

共一百
三十六

洛陽橋畔逐封軀
曾拔螿弧上堞呼
一自卿雲紉

縵後牽牛星域遍
笙竽

共一百
三十七

三十年前作護軍
金支曾見覆

軒雲承平養老昭
仁讓

聖武由來必右文

共一百
三十八

昔趨郎署銜居後今宴

彤廷齒在先為語兒童休健羨管教次第到

恩筵

其一百
三十九

聞說香山九老圖居然司馬冠公孤何如千叟論
年坐

聖主當軒

賜大酺

其一百
四十

黃河源上動高旌曾掇重犀却月營又看春光到

西海當時老卒宴

天楹

其一百
四十一

千衢巡徼往來通叩鼓持更衛

法宮一上

玉晨陪讌賞頓令虎帳滿薰風

其一百
四十二

雪晴

鳳闕彩雲生日暖呆愚瑞露明白鬢婆娑老隊正承

恩仙席醉蘭英

其一百
四十三

豹直周廬老步兵掃除廣路

翠鑿行如何得對

君王坐真是逢仙上玉京

其一百四十四

瑤池式宴有殊榮

堯蓋分來絳雪英合竹丸泥雖末技太平天下字能成

其一百四十五

早歲從軍定百蠻何期春讌綴微班涵濡

聖澤金沙水披拂

皇風玉筍山

其一百
四十六

除道常瞻

日月光角端旗過識

天香平涼戰後歸威衛舊六鈞弓尚可張

其一百
四十七

飽食歡歌一壯兒老叅衛署率熊羆金漿忽沐

君王賜健似荊州克敵時

其一百
四十八

盤龍山下昔從戎嘉峪關前記挽弓慣識陣雲如

杼軸欣逢

湛露被椅桐

其一百四十九

虎牙衛士髻如絲

恩許追陪宴玉墀
忽憶旌門親執許
歡聲雷動獻功時

其一百五十

將軍剩韻席前占
賜果詞臣發御奩
爭比

聖王躬養老武夫
列坐對

宸嚴

其一百五十一

捧檄傳呼屬小臣
雙眉如雪髻如銀
誰知謝職分

休後授几支筇對

紫宸

其一百
五十二

四始祥占慶歲穰朝來晴雪帶

恩光深嘗

堯酒同天酒南極於今色正黃

其一百
五十三

蝦蟆更盡曉烟開朱網龕鬢卿相來直宿章溝唯

望見今朝冠履接三台

其一百
五十四

巴字江頭記洗兵短簫鏡吹竹王城當年冠鷓今

鳩杖安坐重茵盡一觥

共一百五十五

天分漠北與滇南章亥纔能縱步探無敵

仁師胥龍伏來蘇

皇澤盡敷覃

共一百五十六

瑠戈貝胄出回中雲罕星旄映碧空勿士行枚成

老校

賜筵叨列殿廷東

共一百五十七

戈鋌彗日下蠻邦沙塞親觀築受降七萃士中

宸眷渥千人宴上尉眷寵

其一百五十八

分麾傳檄位居卑監牧行屯歲有期豈料

彤廷叨侍席坐聽

天語下瑤墀

其一百五十九

星顛雪蹀走軍符懸戲重門戒不虞名字八屯微

職謝年齡七袞

聖恩殊

其一百六十

念珠樹下憶經行未職司門老

帝城長願吾

君同佛壽彌陀聲雜祝延聲

其一百
六十一

聖世豐年樂事饒

御筵開處接丹霄坐來黃耆推前席若問班行是下僚

其一百

六十二

坐甲曾叅左右和老司鶴鑰偃金戈忽承齊道頌

天上頓覺春光獻歲多

其一百
六十三

攻金六齊實鳩工身世鎔陶造化中耄耄更教陪

上席玉紅分得鑄顏紅

其一百六十四

軒歷絲絲寶祚昌
熙朝正朔被龍荒
閑曹藿食平

生事

賜宴榮逾博士羊

其一百六十五

東極瓊脂粟粒香
西池甜雪瀉銀觥
宴歸尚未三

晡後始信壺中日月長

其一百六十六

朱戟排門散秩清
執艾三度衛團營
曾觀鶴列戎

行整又仰

珠庭秀彩明

其一百
六十七

左个青陽淑氣融高年齊上

蓋珠宮摧鋒六戰餘筋骨垂老哀顏酒借紅

其一百
六十八

繡衣持斧引風霜

玉裕親承化日長久謝螭坳簪白筆獲隨虎拜

賜瑶觴

其一百
六十九

銅環靈壽步長楸銀髮居然雲鶴儔憶得

開階正位日小臣年始一星週

其一百
七十

登筵幸得陪千叟報國無能効一官年齒名銜

君賜予鬚者白盡寸心丹

其一百七十一

閒居猶自習兵機屢戰微勲

聖主知盡展

恩光照元碧一行黃髮醉春卮

其一百七十二

紫殿前頭

賜大酺白鬚紅頰共相扶不知鼓腹行歌者還有堯民

野醉圖

其一百七十三

偃戈三楚剪荏苒擊拆重城老介夫忽奉

龍光陪壽考

恩寬不用沒階趨

其一百
七十四

劍佩從容踏

禁鰲五雲春殿

法筵高親依玉戶傳三爵從事龍韜已二毛

其一百
七十五

九重玉極紫煙霏久著朝衣解鐵衣

聖主投醪恩廣大憶開弓月對金徽

其一百
七十六

十二峯前杜若芳，曾馳玉軼射天狼。
吳歌楚練今

無用學頌升恒天保章

其一百七十七

雙江九塞奉麾旄，化雨祥風沐

聖朝玉笋溶溶嘉燕衍，虎夫種種鬣毛彫

其一百七十八

輓粟飛芻餉六軍，轅門曾見積如雲。
廿年生飽官

廩米為從鄴侯紀，薄勳

其一百七十九

兩兩纓鈴列大貂

御香郁烈玉驄驕，常時遠覩今親覲

天語琅琅下慶霄

其一百
八十

衛士頭銜舊未行
今看冠劍上

明光千牛大將如
年少不得同分

御酒嘗

其一百
八十一

虎威班亦厠銀筵
匡衛鈞陳本近天
玉壘浮雲沙

塞月歸朝長享太平年

其一百
八十二

楓宸香路進名時
宣勸

堯樽荷

聖慈記得短兵超戰艦
荔支風裏試塞旗

其一百
八十三

分賜琳厨玉液餘
花香爐靄積衣裾
身同小物遊元

化螭動翽飛各自如

其一百
八十四

雲騎今叨

寵遇殊玉筵
霜髮照屠蘇
頻逢劍閣朝
正使問評當年

八陣圖

其一百
八十五

玉陛恩教策杖升
黃金壘絕耀
矜麤才選
勇曾居

最斗米今猶一飯能

其一百
八十六

蠶叢蜀道洗湘陰結髮戎行老羽林散仗忽陪千

老宴雪花微點壽杯深

其一百八十七

宮壺初泛暖香浮帝子行觴錦臂鞬收拾弓刀

好身手翠杯虔仰翠雲裘

其一百八十八

萬年機杼袞絲新考課常勤百鑷八五色吉雲籠

曲宴

赭黃遙灑日華春

其一百八十九

南營守職効微勤忽上

瑶階近五雲掃淨昭明遠獻壽西師歸好宴邊勳其一

百九
十

戴星協月萬花驄銅式天開骨相同臣比駑駘空
飽粟但歌壽穀祝

皇躬

其一百
九十一

鴨綠江南平壤城由來文物近神京

九重春宴光華旦照澈

恩波海水情

其一百
九十二

章服叨榮第七階坐中日映虎文鞞銀青金紫齊

環立一色霜髯雁字排

其一百九十三

光翻晴雪照霜髭玉屑瓊靡瑩素瓷三白瑞徵聆

帝語年豐人壽

聖情怡

其一百九十四

一人戩穀物由庚列爵分年宴五更龍勺均霑天美祿

虎鹽致和

御厨羹

其一百九十五

幸託

天潢爵秩崇歲時常得覲

瑤宮

皇家仁澤同行葦豐草沾濡湛露中

其一百九十六

侵曉觚稜旭景暄許教扶杖集

宮門

天顏咫尺溫如日坐久渾忘在

紫垣

其一百九十七

一門祿食感生成四海清和樂太平忝預萬年

天子宴勝陪仙侶會蓬瀛

其一百九十八

重逢玉歷紀壬寅慶洽元正錫宴新皓首龐翁瞻

拜喜

乾清曠典是初巡

其一百九十九

攀龍附鳳荷

朝恩餘澤流長到子孫忝佩金章成耄齒微茲何以

答春暄

其二百

天堦設讌正春和

聖世耆年樂事多
臣老三巡從甲卒
祖勲列爵表山河

其二

百一

兩奩黑白已華顛
得捧金盤

玉殿前天味飽嘗
龍鳳髓紅肌不羨
摘中仙

其二
百二

權務頻年幸備員
郎官方愧應星躔
感

恩更飫

天厨味鼓舞春風拜

御筵

其二
百三

憶從遷擢佐曹司每握蘭香傍左螭文史三冬慙

曼倩勝他伏日拜恩時

其二
百四

粉闈昔日荷

皇慈嘉宴新頒九醞卮萬象同登仁壽域微臣何幸際

昌時

其二
百五

列校連營領虎賁宗盟庶姓肅旗屯白頭拜酒春

風裏歡與同袍頌

帝恩

其二
百六

組甲從戎過十年仰憑

天算靖烽烟射聲冰乏監屯衛雪色盈頭列賞筵

其二
百七

瀾滄驛路凱歸身豹尾班中仰

聖人跪捧雲壘霑露液紀

恩六十一年春

其二
百八

曾親雲日列中涓容養樗材樂壽年

朝宴忽從三事後載教咫尺仰

堯天

其二
百九

飲飛當日廁微員少壯驅馳已積年

聖主推慈優禁旅垂垂白髮預瓊筵

其二
百十

雍容九列與三台禔未何緣拜賜杯

帝勅公卿專序齒得陪國老雁行來

其二
百一

勾股朱黃得

聖傳幸同絳縣預瓊筵願將環轉生生數獻祝金甌萬

萬年

其二
百十二

身經六載佐戎韜

金殿欣瞻日月袍瑞色

九重開雉尾廣筵千叟醉蒲萄

其二百
十三

五服供輸五庫中曾司天鑰愧何功獲瞻

帝度如金玉貞固還將祝

聖躬

其二百
十四

元正節慶宴王公特降

新綸千叟同向曉雪晴徵瑞白

皇心原即是天工

其二百十五

麟膠棘竹有良材

內殿羣工象弭開不用雕弓穿七札太平耆老宴春

臺

其二百十六

日月升恒照九垓千官拜舞

御筵開

聖人旨酒原垂誥特為耆年賜一杯

其二百十七

官佩銅章歲古稀

榮光長得傍京畿更隨鷺序參

宮宴受爵歸來香滿衣

其二百十八

愧無惠政及笄簷解組優閑稱老年仰望虎樽叨

勅勸飛鳧不羨葉公仙

其二百十九

淑氣初回紫禁春蓮葩綺井映曦輪自慙微末司

門者仰沐

皇家雨露深

其二百二十

忝司魚鑰鳳城邊忽奉

恩宣預法筵從此抱關真不賤也瞻紫氣識神仙

其二
百二

一十

詔集耆年宴紫霄趨蹌不覺禁門遙曾從都尉宜禾府

萬里天山仰次寥

其二
百二十二

蘭錡年年設禁兵忝司徽道衛嚴更豈期

賜酒龍墀下坐聽蓮花晝漏聲

其二
百二十三

榮紆輦路喜新開灑道千夫看子來今日軟紅塵

不動禁中白雪紫霞杯

其二
百二十四

千人九萬記春秋黃竹多收削海籌從此不須誇

楮葉只將玉作杖頭鳩

其二百二十九

千官濟濟侍壺觴環衛均依

藻火光戒夜祇堪供擊拆

彤廷何幸附賡颺

其二百二十六

承露天杯寵渥新雪稜哀髻兩如銀南征將士臣

今老尚是當年摩壘人

其二百二十七

玉鉞叅旗列八屯驥霞轡羽扈

金根欣逢

異數敦耆宿無限榮光及虎賁

其二百二十八

儘堪馳馬挽強弓意氣猶然少壯同夙飽

君恩忘却老當筵健飯白頭翁

其二百二十九

滄津紫塞映朱旗歸旅無譁有捷書江漢戎功羞

雅什蓼蕭壽愷樂

天居

其二百三十

騎官星本列房南忽與文昌輔弼參自是

君王崇齒讓好留屯衛作佳談

其二百三十一

少年授子亞夫營笳鼓親聞凱入聲老得安閑屯

騎長却隨冠履宴承明

其二百三十二

春回紫極氣和邕鏤檻文槐瑞靄濃臣職虎威無
報稱三階列坐

賜黃封

其二百三十三

雍梁幾載事戎行鐵馬琯戈犯曉霜此日春風

金殿外一杯天酒漾恩光

其二百三十四

當年馳馬陣雲高，垂白身名隸豹韜。

恩許金蟬同几席，愧曾玉帳侍旌旄。其二百三十五

五雲深處綺筵陳，獻歲

天家酒一巡，介冑從戎慙武士。

聖朝寵及白頭人。其二百三十六

霜戈隊裏效驅馳，白髮鬢鬢

御宴時總是

聖君優老壽，虎夫亦得讌。

龍墀

其二百
三十七

飛鷁曾從下瀨師親馳賊窟刈祆旗而今鯨海無

波日手捧

堯鍾照雪翁

其二百
三十八

曾從玉壘返金鋪養老

恩榮及武夫祀棘桐椅承湛露却教檇散亦沾濡

其二
百三

九十

錄敘微勳荷

寵光年來不覺髻蒼蒼自慙老缺殘牙齒也得

天厨異味嘗

其二百四十

彤庭湛露

聖恩深尚齒筵開旭日臨畧分言情

天子詔飲和食德小臣心

其二百四十一

恩綸優老逮微臣皓髮追隨到

紫宸

御饌親嘗

天語近餘年長咏太平春

其二百四十二

黃門趨走日曛曛斑白承

恩飽德同齊向殿前呼

萬歲儀堂小吏鳳樓東

其二百四十三

解組閑居荷

大君門闌畫戟倚高雲青瞳綠髮皆仙侶許列哀遲舊

領軍

其二百四十四

五雲飛將擁霜戈日麗龍旗識景和沐浴

皇仁思敵愾欲清西海靜鯨波

其二百四十五

綸扉出入地清華湛露均霑

愷澤賒飽飫仙厨稱異數迴看鶴髮盡鬢髻

其二百四十六

雷動

天行武奮揚彤弧畫的獵長楊扈巡羽衛稱榮遇更得

春壺瀉桂漿

其二百四十七

六龍迴跋下

天光每掉纓鈴裛

御香今日玉階同率舞心輕漢帝樂訾黃

其二百四十八

職叨管鑰羽林軍中候由來近五雲今日風清長

樂殿

恩頒天饌飫芳芬

其二百四十九

彤庭燕喜效賡歌六十餘年養太和記得岳陽曾拔

幟歡聲騰上洞庭波

其二百五十

削平三孽自

神謨臣壯猶為百戰夫官忝策勳隨鸞鷲

恩崇養老錫醍醐

其二百五十一

新春侍宴近

天顏樽俎榮分豹尾班欲仿文臣申祝語福如川至壽

如山

其二百五十二

羽衛欣陪

錫讌榮牙璋曾籍夜郎兵春風萬里聞歌吹聽徹蘆笳

總頌聲

其二百五十三

幕府旌功奏紫清年年周衛樂昇平

宸廷賜宴歡何極國老親同醉兕觥

其二百五十四

祕府天儲竊備官

山莊曾預拭林巒吾

皇儉德容臣拙長奉

宸居萬歲歡

其二百五十五

奉職西曹歲月長園扉草滿見春陽歸田已許承

恩詔

賜宴還教接寵光

其二百五十六

夙戒嚴裝有稟程引年飲宴得殊榮

玉音真敘家人語繞殿輕雷喜笑聲

其二百五十七

彈冠舊喜沐恩膏鴻漸應知借羽毛投老復欣歌

盛事廣筵開處閣風高

其二百五十八

迨迨瀚海已無波烽火全銷喜氣多臣是武階叨

恭養鏡歌譜作太平歌

其二百五十九

碧霄

賜宴正新年南極光華耀九天筦庫蒙

恩彌林舞祝

皇壽算永綿延

其二百六十

萬年天子握乾符耆碩盈朝自古無少小執弓慙已老

也叨醉飽大官厨

其二百六十一

霞觴不羨紫鸞銜醑飲渾忘禮法嚴宿衛從今添

盛事名隨仙侶紀瓊函

其二百六十二

雪殘鴉鵲曉猶寒張宴宮庭在鎬歡羣老席中新

寵命嚴更署裏舊材官

其二百六十三

映蕩春風

景運門玉階千叟拜瓊尊
向榮竊喜同葵藿湛露晞

陽盡

主恩

共二百六十四

軒帝東園集鳳麟每從

仙蹕豫芳辰廣廷日永開
瑤宴海屋籌添奉

聖人

共二百六十五

卷甲弣弓淑氣多春風
燕喜醉顏醜年年款塞共

球集化雨常青瀚海波

其二百六十六

椒花泛酒入新春淑氣氤氳仰大鈞

聖主廣開仁壽域世蒙培養及微臣

其二百六十七

旗鼓功成解鐵衣碧雞坊下凱歌歸太平宿衛今年老猶沐

皇慈宴紫闈

其二百六十八

上苑行宮觀

玉輿忽教親切宴丹除歸來傳語番休者坐久

天顏健有餘

其二百六十九

獻酬曾賦及彤弓
顧盼猶誇矍鑠翁
載籍總無今

異數步兵老坐

御筵中

其二百七十

翠釜晶盤下

玉除

恩周親衛總

君餘還思紫塞霜
風夜桐乳分頒小
拂廬

其二百七十一

三楚樓船上沅湘僕姑猶得控跳梁歸來禁衛橐

盧矢老至

宸居捧渌觴

其二百七十二

行間久次列貔貅

賜宴教隨鵠鷺儔滿酌蒲萄浮玉斝却慙涓滴未能酬

其二百

七十三

曉來千叟集

皇局白髮齊教醉醪醕藉手稱觴爭介壽南山未足比

堯齡

其二百
七十四

旨酒嘉肴得未曾蟠桃還許裏紅綾仰承

君貺如山重宿衛微員恐不勝

其二百
七十五

種杏多時侍

紫庭芝朮朮煎養生經願從磊落長松下十尺如人

獻茯苓

其二百
七十六

紫塞龍旗卷朔風獻俘獻誠憶從戎今朝華髮

璇庭宴依約當年氣似虹

其二百
七十七

金華思樂布洪慈七萃隨班燕

赤墀六十餘年俱飽德從今晚藿愧含滋

其二百七十八

充溢園方設膳羞慶筵竟得速兜螯奉宸武衛皆
郎將臣老霑

恩玉砌頭

其二百七十九

一軍銃吹度禹山贏得司勳賞箭瘢久治不忘思

猛士大烹却許養衰顏

其二百八十

朱旗南指靖殊方歷歷昆州舊戰場今日

皇闈霑醉飽壯心猶在髻如霜

其二百八十一

瓊漿醉飲飽猩脣欲譜新聲進

聖人對境未能歌白雪只知滿目是陽春

其二百八十二

凡材敢說備干城一爵

頌來曠代榮不重官班惟尚齒普天耆老戴

皇情

其二百八十三

賞功舊自五雲天養老今登百福筵

聖澤寰瀛皆饜飫微臣尤覺荷恩偏

其二百八十四

憶隨橫海埽撓槍五戰歸來鬢有霜憑仗

天和還健在萬年筵上獻春觴

其二百八十五

塞月邊笳靜綵旄飛章奏捷益珠高喜從外地叨

中壘更錫三漿儷四膏

其二百八十六

荆門蜀道昔摧鋒金帛旌勞抵景鍾薄海歡娛多

歲月

天容華茂似春松

其二百八十七

千牛左右衛中身豹騎從戎憶幾春閒散忽霑零

露滑重欣小草向榮新

其二百八十八

春日春臺

御宴開恩霑老圃捧

堯杯自慙瑞莢生庭際不是人功灌得來

其二百八十九

從獵長陽幸有年射生常傍

玉輿前春風

祕殿頒仙饌不羨西都賦割鮮

其二百九十

十載邊庭少壯時蕩平歲久樂雍熙顏齡已許安

耕鑿廣宴重教拜

聖慈

其二百
九十一

花飛六出瑞元辰共浹

皇歡大地春微末官階多慶幸白鷗如雪忝章身

其二百九

二十

新年耆舊飽

天厨雪色觚稜入畫圖千叟齊聲呼

萬歲須知即此是蓬壺

其二百
九十三

浩蕩陽和不計春又逢

恩宴及微臣椒花共醉延齡酒玉陛長開奠莢新

其二百九

四十

每司魚鑰候晨昏常得瞻雲觀

至尊今日白頭承寵渥

大廷開宴及春溫

其二百九十五

雲開闔闔曉風清佳氣惹龍識太平蓬島宴餘齊

介壽撤天高唱是嵩聲

其二百九十六

千金坡動戰聲雄彭蠡湖衝鬪艦風奏捷

賜茶裨將裏引年醉酒秀眷中

其二百九十七

百人高會誌明廷五老來遊說瑞星爭似

堯樽分壽酒盈千鶴髮獻松齡

其二百九十八

洞開閭闔覲

垂裳春色融怡化日長鴛劣久慙當隊率更陪嘉讌慶

明良

其二百九十九

錦服朱顏霜鬢皤兩行分引入天阿小臣翻出齊

天樂一和

軒庭鸞鳳歌

其三
百

班聯後綴是期門分護巖除在禁垣幸得耆年同

愜宴傾聆

溫語拜殊恩

其三
百一

蒲柳微姿際盛時禁林欣覩萬年枝

皇恩尚齒收卑秩恭膺容持沆漉卮

其三
百二

雕壺瑤露自

天斟渥澤弘霑到羽林願祝松椿長近日園葵無限向

陽心

其三百
百三

光風淑氣滿春城觴豆雍容樂太平戟手中黃慙
下士也隨國叟被

恩榮

其三百
百四

圓壇帖妥展郊烟肥膺年年預薦陳司牧霑恩何
以報如天

聖壽邁皇春

其三百
百五

尊俎謀猷折衝曾隨旗鼓一摧鋒而今豈樂那

居日三壽朋中許拄筇

其三
百六

寵逮耆齡

賜醺均中天日麗歲華新長生酒盞長春節玉陛前頭

拜

聖人

其三
百七

如雲錯繡總龍媒兒齒童顏

錫宴回駟馱頌篇原並作好歌胥樂繼斯才

其三
百八

九重春暖紫霞杯
雲鬢耆臣赴宴來
慙愧未僚推馬
齒親承

寵命許追陪

其三
百九

供奉承明廿載餘
頭銜叨屬大鴻臚
臨模漢殿芝

英狀篆刻金天鸞鳳書

其三
百十

司牒年多白髮鬢
幸陪春宴飫肥甘
願酬

聖主無疆壽萬陪
臣齡七十三

其三百
十一

觀象璣衡七政聯
新正今日侍瑤筵
共欣四序陰

陽順

寶曆康熙紀萬年

其三百十二

觀魚常奉

豫遊歡此日

天家飽鱠殘竭澤未嘗施網罟

至人道德作綸竿

其三百十三

若耶赤質效精良鑄罷洪鑪

賜玉漿仰服

聖功鎔萬物剛柔妙用協陰陽

其三百十四

弘開壽域萬方同

盛典先霑鶴髮翁願向金吾仙仗裏年年長拂

舜薰風

其三百十五

玉笋金波叩首嘗錦衣陞楯白頭郎

帝廷和氣盈寰宇鹵簿先開日月光

其三百十六

少壯登朝補黑衣漢庭執戟七旬稀今蒙

賜宴芙蓉闕湛露高歌放仗歸

其三百十七

班資曾忝號登仙况廁瑤階沐

御筵

聖主好生和氣洽治成刑措萬斯年

其三百十八

壽世臣僚多壽考盈庭鶴骨與松身流歡禮食垂

天慶寧美睢陽社裏人

其三百十九

獻年齊拜殿南頭五色雲華映鳳樓千叟合齡八

萬歲大椿分占五春秋

其三百二十

御定千叟宴詩卷二